

QUÆSTIO MEDICA,

CARDINALITIIS DISPUTATIONIBVS

manè discutienda in Scholis Medicorum die Iovis
decimo quinto Martii.

M. JOANNE BAPTISTA MOREAU,
Doctore Medico Professore Regio,

ET SERENISSIMÆ DELPHINÆ
Medico Primario

PRÆSIDE.

An Vrbs Regia Versaliarum salubris?

I.

VERSALIÆ, nova urbs, Ludovici Magni opus & delitiæ, ut magnificentia apud omnes commendabilis, sic à nonnullis insalubritatis accusatur, injusto titulo: urbs Regis ipsius domum & urbem ipsam incolarum sedem complectitur; diversus est utriusque situs, nullus insalubris: Regia domus eum habet positum, qui amœnissimus sit & saluberrimus: nullum similem alibi reperiatur. Collis molliter assurgit, illa velut magistra, aliis ad justam & æqualem altitudinem justamque distantiam, monticulis, velut coronâ quadam circumcincta, medio se conspiciendam facit loco; in ejus superatæ planitie, tantum fuit spatii, quantum satis Regi potentissimo & magnificentissimo ad Palatium sibi apparandum, cui nullum aliud, ar, ut ipse est sine pari: diceretur omnia artis & naturæ pretiosissima quæque ornamenta eò confluisse, seu ædificiorum ordinem & modum, seu conclavium elegantiam, multitudinem & commoditatem, seu picturæ, sculpturæ, operis musivi & vermiculati lepores & divitias expendere detur; in eo plus omnium generum marmoris reperiatur quam usquam alibi; auri incrustationes exterius, si spectantium oculos movent ad illicium, interius laquearium nobilissimæ & artificiosissimæ exornationes ad stuporem animum percellunt; quid de aureâ, argenteâ & quavis non aliâ divite & pretiosa suppellectile, antiqui & novi operis, dictu opus est? quid de viridariis gratè

2

ridentibus in quibus salientium aquarum mille lusus: tantum istud est veri, ut, si domus hæc suo situ sit unice conspicua, cætera ad situm ita respondere videntur, ut magno & sapientissimo Rege digna putaretur, ni ipse omni re esset superior.

II.

QUALIS est aer, talis est loci cuiusque salubritas; positus iste domus regiae, nullo commemoratorum monticulorum aut viciniorum aut proceriorum objectu disturbatus, aërem liquidum & purum, nullaque caliginosorum vaporum malignitate inquinatum excipit; & quamvis omnibus ex æquò ventis obnoxius esse possit, Septentrionales, aëris scopas, & Orientales saluberrimos potissimum admittit; laudantur urbes quæ Solis nascentis radiis expositæ, ad Septentrionem leviter potius inclinant quam ad Meridiem: atque ille ipse est domus regiae salutaris positus, Lutetiam urbium Reginam respiciens, qui effecit huc usque ut Rex maximus, Regiaque Familia, inculpatâ gaudeant valetudine, quæ in sede felici diuturna sit futura; Urbs autem incolarum multitudine & commeantium hominum crebritate conspicua, etsi in decliviori loco sedeat, haud absimiles aëris laudabilis dotes experitur; undique cum sit perflabilis, nullas occiduorum aut meridionalium ventorum patitur læsiones: non ea est monticulorum satis distitorum altitudo quæ illam faciat *πυκνὴν*, aut illam ponat *ἐν τῷ καλῷ*; eodem ac domus Regia ad Solem exorientem & ad Septentrionem fruitur aspectu, eodemque salubritatis beneficio; Unus Colliculus Monbaurionius, importunâ viciniâ, salutares istos Solis nascentis radios commorari, aërisque puritati atque illustrationi, non tolerandâ superbiâ, obsistere par erat. At qualis est Regis sapientissimi solertia & quantum civium servandorum studium, illum velut læsæ valetudinis reum amputandum & capite minuendum esse decrevit, sic ut quò ipse majori aëris libertate uteretur & quò cives salubrius degerent, nec montibus ipsis parcendum sibi esse existimaverit.

III.

URBIS salubritas non solum ex aëris, sed etiam ex aquarum & soli conditionibus æstimanda: quantum aquæ conferant ad vitam meliorem Thales Milesius in dubium non revocasset, qui aquam rerum omnium esse materiam, non omnino malè, pronuntiavit. Qui fontes & flumina mammas terræ appellaverunt, quantum ab aquis sit commodi eleganti locutione docuerunt; inter eas potabilis primum obtinere locum suo merito debet, quæ ubi nullo gustu gravis, limpida, tenuis & levis est, miras ad bonam valetudinem vires obtinet. Quæ dura, lutulenta & saporis ingrati

damna in dies non pauca bibentibus infert. Ubi de suo fundo laudabiles aquas urbs sufficit, beata fontibus ad Orientem sitis; vel ubi flumine aliquo bene potabili alluitur, velut urbs Parisiorum suo Sequanâ, melius multo agitur cum incolis: *ἡ ἄρα ἡ ὕδατα*, aquas advectitias etsi minus laudabiles improbare apud Versalias non licet, cum ex proximo fontes sint, qui sui liquoris probitate eam, quæ in urbe est, aquarum potabilium penuriam, belle rependant; Has primùm per tubulos plumbeos, mox ad maiorem incolarum salubritatem per ferreas exagogas & per aquæ ductus lapideos adducendas curavit Rex optimus, publicis fontibus alendis; multas ex rhedis aut ex equis clitellariis quaque die advehendas voluit, hauriendas ex proximo & salutare fonte Villadavrensi, optimas ex pago Ruellensi, non inferiores ex non longè disito fluvio sequanâ quisque sibi ex arbitrio comparare potest, quò sanitas foveatur. publicas duritatis cujusdam accusatas si exploraveris, illis aquæ non illaudabilis dotibus exinde donatas esse comperies, quod nec calculum, nec diarrhæam, nec dysenteriam, nec hereniam, nec alias quibusque bibentibus noxas inducant, quæ solemnes sunt ab aquarum pravitate.

I V.

AQUÆ potabiles, si in ipso Versaliarum sinu non nascuntur sed aliunde accedunt, cave ne exinde urbem insalubritatis insimules, quod ibi solum siccum & aridum esse oporteat, ubi aquæ desiderantur, omnesque morbi sint expectandi quos nimia siccitas parit, aut nimius concitat æstus: ejus est fortis solum Versaliarum, ut quamvis aquas benè potabiles non profundat, non tamen sit *ἀρδρὸς*: fæmineum & pallidum sabulum, quod fere ubique fodiendo reperitur, proferendis salutaribus aquis minus est conveniens, quam masculinum & subrubrum, omnium proinde non est expers, cum plurimas habeat sive arte in viridariis, seu natura in ipso loco, quarum ope aeris fervor & siccitas possit emendari: aquarum copiam in viridariis nullus satis commemoraverit, diceres ex ipsius soli visceribus erumpere, quæ ex longinquo miris artibus adveniunt; sine arte ad septentrionem lacus est insignis magnitudinis; is cum fontium non paucas in se habeat scaturigines, undam profert non stagnantem, non paludosam, & terra Mephiti noxiam, sed errantem & in perpetuo motu positam, quæ si incolis ad potum non cedit, jumentis est innoxia; accedunt ad meridiem ex circumpositis monticulis deciduæ in camporum planitiem aquæ non paucae, quæ paludosam aliàs & insalubrem veteris pagi funditus deleti incolis habitationem facere poterant,

4

sed quæ jam aquæ ductibus subterraneis exceptæ aut ad loci amœnitatem, in capacissimos alveos collectæ, multum utilitatis, jucunditatis non minus afferre queant; nam quæ hîc uda erant aliàs, paludosa & nimio aquæ putrentis pœdore insalubria loca, jam Regis beneficio maxima ex parte rescicata, & in destitutas domos abitura, multam aeris corruptelæ occasionem præripiunt velut plurima per artem in viridariis aquarum copia ejus fervori & siccitati inimicatur.

V.

MAGNUM sanæ civitatis idque certissimum argumentum est incolarum bona valetudo; olim ex vernaculorum animantium extis de loci salubritate certum capiebatur indicium, certius ex bona incolarum valetudine desumendum; nulli sunt apud Versalias morbi endemii, nulli epidemii, non febres tertianæ, ardentes, malignæ; non sapientiæ morbi, non splenes magni & schirrosi, non cachexia, non scorbutus veteribus notus, non hyderus, non phthisis, qui affectus ad aeris fervorem & corruptelam vel ad aquarum & soli pravitatem solent esse consecrarii, frequentius ibi se offerunt Medicorum diligentia. Incolarum si robur, si *εὐχέσιαι* & *εὐεχίαι* spectes, omnia sanitatem loquentur. Aliàs dum ad superbi adeo palatii, ad urbis ipsius structuram solum ubique vertebatur, cum artificum *σχεδολῶν* & sordidorum hominum multitudine locus erat refertus, cum nondum de aquis salutaribus adducendis Regis providentia cogitaverat, cum plurimus circum campus paludosus esset & fœtore gravis, cum rerum omnium ad alenda reficiendaque corpora conducibilem, ea quæ jam est, ibi non adesset annona; suum Libitina exercere potuit imperium & urbis insalubris futuræ suspicionem movere; nunc autem summa sapientissimi Regis beneficentiâ res eò sunt deductæ, & acceSSIONE aquæ fontis Villadavrensis quæ in procinctu est atque transmissione fluvii Eburæ quam meditatur ad melius ita in dies deducuntur, ut salubriter apud Versalias ad senium usque degere quisque possit, qui sui curam habere atque omnes in vivendi ratione errores, morborum parentes bona fide voluerit ejurare.

Ergo Vrbs Regia Versaliarum salubris.

Proponebat Parisiis ANTONIUS VARIN, Parisinus
Baccalaureus Medicus. A. R. S. H. 1685.

Apud Franciscum Muguet, Regis & Facultatis Medicinæ Typographum.